



Mirsada LINGO DEMIROVIĆ
mirsadald@nezavisne.com

SARAJEVO - **Državna agencija za istrage i zaštitu (SIPA)** juče je po naredbi Kantonalnog suda Sarajevo i Tužilaštva KS ušla u prostore "Verlaba", Federalne uprave civilne zaštite (FCUZ) i Kliničkog centra Univerziteta u Sarajevu (KCUS) kako bi izuzela dokumentaciju vezanu za 100 respiratora koje je Vlada FBiH kupila posredstvom firme "Srebrna malina".

Kantonavno tužilaštvo Sarajevo pokrenulo je istragu o korištenju spornih respiratora nakon pisma ljekara KCUS koje se tokom vikenda pojavilo u medijima.

"Nezavisne" saznaju da su pripadnici **SIPA** u toku jučerašnjeg dana izuzeli dokumentaciju iz "Verlaba", FCUZ i KCUS, kako bi se ispitali navodi iz pomenutog pisma, a u vezi s korištenjem respiratora koje je nabavila "Srebrna malina".

Azra Bavčić, portparol Tužilaštva Kantona Sarajevo, rekla je da su u toku određene radnje u slučaju predmeta koji je formiran nakon pisma ljekara, te da o detaljima jučerašnjih akcija ne može govoriti.

Tužilaštvo KS je po službenoj

Istraga o korištenju respiratora nakon pisma ljekara sarajevske bolnice

SIPA izuzela dokumentaciju iz "Verlaba", FCUZ i KCUS

Dokumentacija izuzeta kako bi se ispitali navodi iz pisma u vezi s korištenjem respiratora koje je nabavila "Srebrna malina" za Vladu FBiH



dužnosti formiralo predmet koji se odnosi na informacije iz medija da je grupa anesteziologa s KCUS uputila pismo menadžmentu ove ustanove, u kojem upozoravaju na nepravilnu primjenu respiratora i druge probleme u funkcionisanju covid odjeljenja. U srijedu ujutro u prostorije KCUS ušla je i Federalna uprava za inspeksijske poslove, njen zdravstveni odjel, a iz ove institucije saopšteno je da s obzirom na to da postupak u ovom predmetu vodi Tužilaštvo, u interesu istrage nisu u mogućnosti davati dalje informacije o postupku i nalazima inspeksijskog nadzora.

Nedavno su se sastale i glavne tužiteljice BiH i Kantona Sarajevo Gordana Tadić i Sabina Sarajlija.

"Tužiteljice su usaglasile detalje koordiniranog djelovanja tužilaštava u radu na predmetima koji se odnose na uporabu respiratora ACM 812A na KCUS", saopšteno je tada iz Tužilaštva BiH.

Bakir Izetbegović, lider SDA, govoreći o aferi "Respiratori" ustvrdio je j u č e d a n i k o

u BiH nije do sada umro na tom respiratoru jer opslužuju relativno lakše pacijente.

IZETBEGOVIĆ REKAO DANIKO U BIH NIJE DOSAD UMRO NA TIM RESPIRATORIMA

"To su respiratori koji ne mogu opslužiti najteže pacijente, takvih je 20 do 30 posto u izolatoriju, a onih 60, 70 i 80 posto mogu opslužiti. Oni to i rade, i ja to znam iz prve ruke jer mi je supruga generalna direktorica Kliničkog centra Univerziteta u Sarajevu Sebiya Izetbegović", kazao je Izetbegović. Očekuje da nakon godinu dana afere nadležni organi kažu šta je s tim respiratorima.

"Imaju veoma kontroverzne priče i to se koristi, po mom mišljenju, za jednu neutemeljenu kampanju za postizanje političkih ciljeva na najbolnijoj temi. Veoma je neljudski, ružno i nekorektno koristiti strah i paniku ljudi da bi se neki politički poen pribrao", rekao je Izetbegović.

O DETALJIMA AKCIJA U SARAJEVSKOM TUŽILAŠTVU NE MOGU GOVORITI

Tužilaštvo KS je po službenoj dužnosti formiralo predmet
FOTO ARHIVA

